



安窩集
天

詩

~ 16
2398
1



2398
1-3



御製安窩遺稿序

世稱文人多窮文豈能窮
達人窮而後能工文也然
以予觀於安窩洪公文不
必工於窮而達亦未嘗不

御製

安窩遺稿序

工也二說者吾安適從歟
公予伯舅也早用詞科進
泛逸駕驟雲衢行且端委
于廟堂之上當是時儋圭
鞞組毬馬聯翩應舉綺紈

家莫不以公家為先公乃
力治古文揚我珮琚矢厥
聲明向所云達亦未嘗不
工者非歟然公雅不喜芬
華遑遑望遠而思深視名

利泊如也獨嗜書如芻豢
竟夕手一卷及夫世與公
相棄嗜愈專而文愈工卽
公始終雖謂之窮而後能
工亦可也嗚呼命也歟文

豈能窮達人也予在春邸
從容扣菽於燕澗之中庶
有窺於古作家藩籬者賴
於公實多今公之沒忽已
一紀經史講劇之益邈乎

不可復得則輒出公詩文
而讀之數編寂寥雖不足
了公宿志然道麗浸醲冲
澹踈曠自成一家之體尚
可以讀其書知其人如將

前席而傾倒之又安可少
也嗚呼公則已矣人皆以
公之心為心者吾且何憂
哉予不暇悲公之窮而為
是悲也然世之論窮達者

多以遇不遇為歸而以知
心為遇不知心為不遇若
公之心惟予知之是不可
謂不遇而窮不為公悲歟
茲命內府刊行公遺稿仍

以窮達之說及予之所賴
於公者識之公而有知亦
庶幾犁然會予心也否時
予即阼之十一年丁未仲
夏

安窩遺稿卷之一目錄

詩

安窩遺稿卷之一目錄

詩

上元月橋逢元子靜仁孫李仲浩彌

曉發天安

拱北樓

臬蘭寺

落花巖二首

奉送書狀官閔公百祥

李宣傳亨德挽

贈孫同樞壽聘

寄李生汝受 濟業

廣興倉閔奉事 百增 直廬次金得初 履復 酬唱

韻

嶽下湛齋李公 明翼 宅夜賦

示族人聖老 善輔

題畫帖

次閔元之 百甲 寄示韻

趙丈 德常 來會湛齋宅共賦

夜中有懷鄭浣巖 來僑

西湖林氏梅亭與李掌令 河述 金得初泛舟下

杏洲

湛齋丈與姨叔宋公 載禧 夜過山亭敬次家大

人韻

金元冲 大淳 會元 應淳 來訪

與拙翁廬天若 命欽 族人士叙 疇漢 同登彌雲

臺

南漢天柱寺

趙統制 德中 挽

過仲浩詩壇其季季浩 淑 亦來會拈韻共賦凡

十五疊

挹清亭陪季父會金文時鼎賞荷聽蟬酒豪金

光澤亦來參

秋夜與拙翁士叙拈韻

狎鷗亭二首

與兩弟仲循樂信叔道樂任陪季父上挹清亭

次諸君韻三首

又次諸君韻二首

君子亭與諸君詠荷

歸路得李仲浩在東岡寄詩

族人伯玄圭輔期夜不來

兩弟讀書楸舍詩以寄之二首

晦溪雜詠七首

秋日與仲循叔道酬拙翁士敘盧如臨兢○三

又拈佗韻

送如臨二首

次如臨畱別韻

與人

柳生洙手攜三芭菊來種階前信筆書贈二首

湘竹以下八首次仲循叔道與拙翁詠史韻

畱谷雜

別虞姬

汾水秋風 三首

三顧草廬 二首

元正翌夜與拙翁迭呼韻字應口為令 十首

重修書舍春祝 九首

同鳳麓金丈 履坤入清潭

卧雲樓次板上三淵韻 二首

又次板上杞園韻 二首

又次板上槎川韻 二首

將出洞敬次伯祖睡隱公板上韻 二首

轉入扶旺寺

到晦溪謹次壁上族曾大父芸窩公重聖韻

溪上拈何大復韻

見刈麥

道峯書院

夏夜陪家大人聯句

與拙翁敬次家大人韻 二首

又賦 四首

送關東伯 二首

用前韻寄金得初

和金得初

訪鳳麓

朴士求天俊夜過

謹次宗中韻賀族祖判書公重徵致仕二首

秋夜客過拙翁亦在座共賦

翌日拈蕭字二首

送族祖季堯宣輔氏歸觀襄陽二首

與士敘共次秋興八首韻八首

與拙翁詠梅十首

又與拙翁拈息菴韻

送徐樂甫命天赴任安邊二首

大殿延祥詩四首

大殿春帖子四首

喜晴應製



安窩遺稿卷之一

詩

上元月橋逢元子靜仁孫李仲浩瀾

瀾




豈無他月夕最重上元宵雜遝爭先路繁華第一橋
逢場同步屨過處盡笙簫邂逅相携好何煩折簡招

曉發天安

蓐飯騎驢出平蕪野色長他鄉驚節物今日屬端陽
渚柳含煙細池蒲帶雨香不愁長道渴村濁亦澆腸

拱北樓

雙樹山城外高樓正快哉初從平地起忽向半天開



北拱秦雲迥西移蜀錦迴寸毫登百尺詩興共崔嵬
臯蘭寺

古寺來尋百尺樓前臨白馬大江流扶藪霸業今如
夢一曲漁歌動客愁

落花巖

巖花不可見巖月一何陰風逐臘脂落江將翠黛澁
龍雷餘石窟鶻血在春林芳草萋萋路行人吊古心

其二

繁華終一夢斜日故多陰歌舞遺墟在興亡古寺澁
江潮春拍岸山鬼夜啼林莫道芳菲盡守紅猶苦心

奉送書狀官閔公

百祥

皇華往事水雲浮歲暮離亭感慨稠血疏明時瀕海
謫悲歌是日出疆遊薊門煙樹看應好羌笛梅花聽
夏愁天運百季寤必復徽陽地底已潛周

李宣傳

亨德挽

龍顛大樹廿季傷晚有孫枝雨露光長道步須良驥
展半天翎折大鵬揚將門傑氣埋霜劍詩社清儀掛
月樑卜子喪明行路泣無季無嗣理何茫

贈孫同樞壽聃

君於君祖亦佳孫節制官承節度門早歲狄青嗟失

孤晚來黃渥幸尋源追先志繼將軍孝記實文憑相
國言洛下詩篇多播詠爭傳美事密城村

寄李生汝受

濟業

君與春期君不還空教春色到松關陽春欲唱誰相
和獨抱孤琴卧北山

廣興倉閔奉事

百增

直廬次金得初

履復

酬唱

韻

繞場皆花氣登樓已酒香宦情太倉薄吾道大江長
獨出何村樹回來幾郡檣諸公莫催起山日未斜陽

嶽下湛齋李公

明翼

宅夜賦

悲歌歲暮閉門深馬死年來又盡金白雪幽期驢踏
月清宵高韻鶴棲林低眉燈下梅妻笑拭眼床前石
丈臨古篋幾篇桑海錄一樽畱話不渝心

示族人聖老

善輔

吾輩交如醴平生不壞甘尊隨行字一清共洞名三
霜重槐陰老霞濃嶽色酣十年同硯北癯鶴許相參

題畫帖

卧遊山水境空翠一障中多少田家壠依稀古木風
渺然一棹去應與五湖通明月高峯在何時西復東

次閔元之

百甲

寄示韻

遙鴻初盡郭西天
暝鵲孤廻嶽北煙
誼篤通家曾累世
契淡聯榻又多年
寒梅香淡容吾賞
喬木陰凋有孰憐
數寄瓊篇稚僕在
不煩馳驛竹筒傳

趙丈

德常

來會湛齋宅共賦

向夕疎星點霽霄
隔隣衣馬趁招招
寒溪覓砌新穿響
老檜蟠簷舊架條
滿座談霏香已咲
一樽醺氣凍仍消
歲云暮矣初飛雪
秉燭何妨夜繼朝

夜中有懷鄭浣巖

來僑

天寒妻子凍曾不
怨窮途筆下無凡語
人間盡腐儒
庭杉同老大
簷鶴與清癯
七十心猶壯
悲歌擊玉壺

西湖林氏梅亭與李掌令

河述

金得初泛舟下

杏洲

宛在中央水清吟
數子豪西粧新翠
淡林閣舊梅高
俗子無投刺
迂儒有泛舟
蒼然煙樹色
何處杏洲臯

湛齋丈與姨叔宋公

載禧

夜過山亭敬次家大

人韻

一園花竹置如棋
書閣逍遙小子隨
萬戶樓臺方好月
百年歌酒是清時
寒蛩短草秋聲亂
老鶴空堦睡意遲
醉墨淋漓頻剪燭
小驢庭畔繫風枝

金元冲

大淳

會元

應淳

來訪

春寒惻惻劇冬寒病後愁懷苦未寬良友二人聯袂
至梅花一樹對床看尋常詩律難爲警真率盃盤易
作歡回首滄洲吾道在可堪時事湏千端

與拙翁盧天若

命欽

族人士叙

疇漢

同登弼雲

臺

連襟同一巷攜手上雲臺燕子雙雙去桃花處處開
斜陽侵半席山翠落深盃每歲清明節吾曹幾度來

南漢天柱寺

崩崖危石棧孤城我馬凌兢不可行兩歇泉聲樓外
集煙收山色樹頭明老僧擊磬還無語獨鳥穿雲時

自鳴漢水百季旗鼓偃吾東文物屬昇平

趙統制

德中

挽

將門賢宅相昭代屹干城書抱春王傳旗橫薩水營
登壇孤衆望聽鼓愴宸情丹旆漳洲路悲風大樹
鳴

過仲浩詩壇其季季浩

叙

亦來會拈韻共賦凡

十五疊

崑乎東岳老高手擅詞林世播疎星句壇畱古檜心
後孫傳舊業大雅接餘音洞水渾成墨詩毫染已淡
再疊

蹇驢知熟路南郭舊遊林紅藥凋欄角青苔上砌心
策揮吾忍過琴奏爾成音一點靈犀在清襟照共淡

時仲浩
纒免來

三疊

邂逅佳朋集衣冠散一林清風吹滿頂遲日坐論心
樹轉參差影禽爭上下音翛然發長嘯盃酒不嫌淡

四疊

城市無開眼有時過此林黃鸝初夏語薄酒故人心
醜醜彈琴地丁丁伐木音風流吾輩得相看意何淡

五疊

終南看可愛晴翠落松林錦繡開君肺我洋瀉我心
白雲尋舊跡黃鳥聽新音淵底驪珠秘爭先欲摘淡

六疊

破愁傾小酌把臂坐脩林日照癯槐影雲穿稚柏心
琴棋方雅韻山水又清音此地堪成隱荆扉自在淡

七疊

青山當隱几天籟忽生林移榻疎松足觀魚古沼心
薇花方午景燕子尚春音簾外茶煙細情言幾許淡

八疊

壇松參硯几好是作書林此世無高會諸君有素心

酒惟隨量飲詩或合腔音靜地看生意庭除草色淡

九疊

却喜鶯遷木堪憐鶴在林巖泉真隔世賓主本同心
刻玉今朝句毋金異日音東岡分華意聊托白雲深

十疊

以下二首屬仲浩

偃仰無何有逶迤南郭林文章高着眼名利不關心
濠上知魚樂人間笑穀音篆煙生裊裊芳草閉門深

十一疊

簾垂白日靜鳴鶴與依林屏對迷藏畫蕉抽太極心
宵中湖海氣句裏漢唐音遇我時論契陽春一曲深

十二疊

以下二首屬季浩

有是君兄弟高枝自鄧林風流生燕坐言議見真心
床翕塌瓮樂詩璿玉珮音軟塵渾不到圖史卧深深

十三疊

舊時桃李逕茅閣隱喬林棋局潛觀變詩書細究心
鵬圖千里擊鶴寫九皋音可喜人如玉温温氣味深

十四疊

以下二首自屬

琴書除俗累闔闔亦幽林譜茗眠餘趣評花病後心
簷交踈竹影門掩午雞音漸覺塵機息羲皇入夢深

十五疊

慵拙成雙癖逍遙有一林青山朝暮色黃卷聖賢心
丘壑多畱債風塵少賞音身如無用櫟春亦晦根溪
挹清亭陪季父會金文時鼎賞荷聽蟬酒豪金
光澤亦來參
六月香荷吐盡情方塘雲影漾新晴洞中騎馬衝炎
至松下登樓聽水聲岳色淵容爭窈窕酒豪詩文互
逢迎挹清亭上清風挹簾角林蟬到夕鳴

秋夜與拙翁士敘拈韻

依微星漢下西樓諧笑淋漓到夜畱措大猶存憂國
念諸君半是望鄉愁天長鶴意看雲末風急鴉棲借

樹頭已覺儒冠多著誤誅茅何處好田求

狎鷗亭

名亭浮出漢江涯易主於今歲月遐上黨勳臣生富
貴晉平公子盛繁華歌聲舞影傷心盡水色山光極
目斜可惜年年春自至無人開落野棠花

其二

盛衰興歇劇無涯人事江流日與遐已見高臺隨廢
沒獨憐殘柳殿芳華百年羅綺依依遠三月煙雲冉
冉斜薄暮悲吟低仰久東風拂面落來花

與兩弟仲循

樂信

叔道

樂任

陪季父上挹清亭

次諸君韻

溪聲山色入高亭巾服蕭然間日經松下逢迎仍草
籍座中談笑摠蘭馨詩題老石模糊黑簾捲透嵐滴
澁青里子時平來習的風幘斜掛夕陽庭

其二

山日陰陰隱一亭緣溪緩步石梯經松生古壑清虛
籟荷送高樓暗淡馨勝敗從他談黑白歌吟只自卧
丹青官輸認是多遺粒鳥雀相呼滿下庭

其三

巖邊撐石出飛亭驢掛詩筒韻客經泉急筇鞋渾濕

沫茶清牙頰却生馨鄰婆晒袷沙連皓穉弟懷瓜草
較青興劇池邊仍醉倒林霏漠漠月生庭

又次諸君韻

曲折緣溪入綠水動晴暉靜地携君手清風動我衣
塞聞池上馥杯嗽石間飛城市還林下相看俗事稀

其二

清灑臨池館亭亭下夕暉林風吹解帶山翠滴沾衣
酒壘煙霞積詩場歲月飛每來便忘返爲是一塵稀
君子亭與諸君詠荷

亭亭出水淨塵根桃李羣芳任太繁天氣火金交啟

序豔容紅白淺分痕潭心過雨明珠轉波面牽風翠
蓋翻雙袖盈盈薰襲盡祇應三日暗香存

歸路得李仲浩在東岡寄詩

荷香携滿袖悵悵下樓時涼意林蟬得歸懷谷鳥知
白雲看未了明月到如期冥會東岡友雲霞濕一詩

族人伯玄主輔期夜不來

街漏丁丁下呼童問夜何黃花開砌滿新月照簾多
耿耿懷君坐遲遲不我過深樽儲碧酒畱待放高歌
兩弟讀書楸舍詩以寄之

兩驥聯轡出一僕負書行楸舍瞻依地松牕講讀聲

知應抵日暮獨自看雲生雨露新春濕那堪怵惕情

其二

丘墓文峯路年年幾度行枯松沾有淚悽露聽無聲
落日慈烏返荒原弱草生物華徒觸眼佳節祇傷情

晦溪雜詠

吾家亭子好蕭灑晦巖隈松護三間老泉盤九曲迴
塵中開眼少林下抱書來荒砌無人掃惟看長綠苔

其二

卧聞簷溜滴春雨苦難晴山裏猶遲曉牕間易受明
桑畱三宿戀麥驗四郊平溪水清如許真堪濯我纓

其三

忽覺韶光老桃花一瓣飛莫嫌成酩酊可惜送芳菲
晴占雞鳴屋眠教犬護扉晚來松下步山翠許沾衣

其四

雲物媚人意高樓望眼賒陂畦春水滿籬落夕陽多
兩與楊花墮風隨燕子斜間居方有賦潘鬢任生華

其五

桃李飄將盡風光已十分黃鸝渠自恨蒼鹿與為羣
野饑行時見村春憇處聞此中堪入畫一點絕塵氛

其六

三月今朝去持盃欲餞春百昌歸造化餘藥着精神
草色空成恨禽聲若有嗔渠應逢歲歲獨悵百年人

其七

山中饒勝事高卧斷招尋水度柴門靜經攜草閣深
日移孤嶂影風攬百花心雙耳真當砭黃鶯轉綠陰

秋日與仲循叔道酬拙翁士叙盧如臨疏

非君父子有誰尋長保壺冰一片心荏苒年催顏易
悴咄嗟詩辨句難深知吾者寡偏論契閱世人多孰
賞音直到三更清坐久松雲梧月共陰陰

其二

山樓寂寂少人尋
蚤暮興居適我心
滿架詩書千古集
隔簾風雨一燈深
吾曹放達皆嵇韻
秋夜歌吟半楚音
可愛庭前數叢菊
殘花猶自殿寒陰

其三

病後殘書懶不尋
高樓木落送秋心
天機滾滾無時已
客恨悠悠到夜深
衰菊猶支霜後色
哀鴻遙墮月中音
靜看蟋蟀床頭入
已覺坤爻動六陰

又拈他韻

名利年來分漸疎
多情惟有手中書
四隣聞寂鐘鳴後
萬象澄空月到初
入耳松聲來不已
轉頭秋色去

無餘置置末路知音少
剛喜君詩屢起余

送如臨

羈旅玉川子
霜寒未授衣
川原望不極
桑梓遠將歸
手折黃花贈
身隨白鴈飛
乍逢成久別
相看兩依依

其二

天地容吾放
長安一布衣
可憐餞秋盡
况復送君歸
明發參商隔
重來雨雪飛
寒齋孤卧夜
惟有一燈依

次如臨畱別韻

搖落西林夕
疎星出古柯
秋風一蕭瑟
黃菊獨芳華
冉冉年光晚
紛紛世事多
東山歸未得
松桂近如何

與人

泐然相合莫之爲惟有靈犀一點知風雨淒淒鷄獨
唱江湖落落鴈雙隨登樓幽思梅開在入室清襟月
到疑廿載牙絃山水響百篇同貯篋中詩

柳生沫手携三色菊來種階前信筆書贈

清朝柳老過吾軒手裏青青菊數根興到自携仍自
種南山相對兩無言

其二

雲白烏紅與蔓黃形形色色列雙行花開不必論優
劣直到滾秋摠傲霜

湘竹以下八首次仲循叔道與拙翁詠史韻

秋江瑤瑟語林風黯黯啼痕漏此中從古幽冤多化
碧至今哀血未渝紅寒猶一節通霜栢染不全身異
露楓石泐金銷無改色蒼梧落日恨何窮

函谷雞

飛飛暝鵲下城西公子倉皇故國迷僥倖藏裘憑狗
盜蒼茫關鎖限雞啼一夫獨唱風仍迫萬戶爭號月
未低渭水寒波聲漸遠馬前山色是青齊

別虞姬

八千麾下散俄間醉後悲歌月暈山爭帝爭王無限

恨傾城傾國可憐顏縱爲天子終當死一別名姬奈
不還意氣豪華都冷盡神駢那復踏函關

汾水秋風

天高木落泛龍舟宇宙回頭五十秋沛邑歌風同舊
關牛山泣照又中流尋真海上空言在勒石燕然壯
志收到此英雄偏感慨煙波極目不勝愁

其二

岸菊汀蘭繞錦舟山河寥慄已新秋風飄笳鼓蕭蕭
響日隱旌旗泛泛流秦苑歸雲帆外遠喬陵寒雨仗
前收四十九年非已悟君臣相顧濟生愁

其三

征和天子載蘭舟素髮臨江颯以秋海內山川嗟信
美人間日月有斯流十洲消息煙空斷八駿飛騰跡
已收試看輪臺頌一詔汾頭飛鴈惹新愁

三顧草廬

再斯猶可矣三顧不嫌頻天下難爲士山中若有人
久閑經濟手高卧水雲身知爾平生夢風期默與親

其二

草堂臨水靜征馬入山頻野鶴攜爲伴田龍利見人
漏船應副手潛壑豈存身大漢重恢業殷勤託子親

元正翌夜與拙翁迭呼韻字應口爲令

一笑青燈下新正第二宵身同松老大心與鶴逍遙
飛兔流光迅雕蟲惡業饒故人行欲挽看月上元橋

其二

夜到三更際春回百感中陰崖餘臘雪老木已韶風
雅志從吾好狂吟與子同逢場常筆腐行處每樽空

其三

優游成浪跡底事了三餘點綴唐人句沈吟老氏書
尚論千古遠高視十方虛與我周旋我冬去復春初

其四

已多浮世感無奈歲華徂鈍質寧容鑿迂心每守株
故人雙榻對稚弟一牀俱後夜幽期在難孤洞長呼

其五

菜盤留後日椒酒屬先天舊歲回頭外新春入眼前
硯心呵尚凍燭跋剪還煙詩令催如傳爭誇得句先

其六

百尺樓高地元龍氣自豪便儂都薄俗狂簡豈凡曹
書欲看溪處交曾謝幾遭燕居無限念春興亦牢騷

其七

悲歡經歷盡世事每搔頭名利尋常事丘園宿昔謀

夜將寅卯色君自癸庚愁繞障皆山水何妨作卧遊

其八

相對無言坐閒愁集一燈卷中如對聖身外豈招朋
騁辯君猶壯吟詩我亦能藜藜更漏促曙色自觚稜

其九

律纔回大蔟萱已謝玄冬二日方為狗三陽正動龍
春心初卧柳寒響尚高松新歲衣冠客紛紛幾處逢

其十

孤燭清無寐微寒夜透牕更鐘傳一一村杵響雙雙
梅柳千家陌風雲萬歲邦 聖君儔候復 隆福頌

如江

重修書舍春祝

簷楹一面向寅開先得扶桑暖旭來燕雀生成三月
近竹松苞茂百年培風從柳陌初融雪雨過花階淨
掃埃趨省晨昏餘樂在冠巾隨意且徘徊

其二

春日新成小築時東風習習護簷楣不須突兀千間
廣也着踈慵七尺宜圖史趣存多閉戶填篋興到互
題詩吾家舊德應無艾看取槐陰滿地垂

其三

數三標桶像離交春入新樓燕賀邀刺蒺有風兼上
兩聊娛月夕與花朝縹箱閱畫名香藝晴簾圍棋俗
慮消舊晉新修差變制一堂顏色更看饒

其四

明牕寄傲意悠然紫閣晴峯揖我前簾角滾垂朱鳥
影壁圖多寫老星躔閒隨細草觀春意倦嗅幽花起
午眠客到且休談世事經綸吾自寓新椽

其五

新年粧點小房櫳寢處於焉庇我躬畫去程期寅月
始開來面勢午方通時躋壽域春臺上人在牙籤玉

軸中可喜青氈將有托穉兒頭角漸看豐

其六

閒居眺望短筇携一院精神寂在西景福祥光通戶
映仁王遠勢入簾齊樓臺撲地春陰轉城郭浮空晚
靄低莫道庭前纔旋馬坐來心境敞端倪

其七

偃仰高齋起遠情長安一半夕陽明茶煙細細爐鐺
淨花氣冥冥几席清賴有詩書容跌宕且將詞嘯頌
昇平時時好友騎驢至揚扞千年盡意評

其八

寧爲朴陋肯爲奢竹箔蒲茵兩不差後嶽雲晴新氣
色前階花發頓精華傍藏子史三千卷俯視高低一
萬家從此幽人爰得所箇中真趣十分加

其九

小營元不改門牆箇裏安排費細商松似高人偏入
牖琴爲長物每橫床乾開坤闔包無極鬼護神呵屏
不祥欲做斯干題九什東南西北貼亭當

同鳳麓金文

履坤入清潭

百折清潭曲依微舊路開名樓曾信宿匹馬爲重來
拄杖聞黃鳥移筵坐綠苔留連當日暮從者去休催

卧雲樓次板上三淵韻

潭樓標格世無同卜地當時我睡翁文彩風流清不
泯水光雲影澹相空百年回首星移際半日抽身物
役中再啓佳城知在近登茲感慨意何窮

不遠故
未句云

時伯祖睡
隱公緬禮

其二

石勢竒竒四面同登鼻一笑伴詩翁千尋老樹垂蟠
地十丈飛流倒瀉空欲沂真源穿霧裏更逢佳處坐
林中公洄未覺西峯暮岸幘風前興不窮

又次板上杞園韻

畫壁題詩想老成三淵以下摠高名文章已使仙區
重樓閣飄然俗物輕春後雜花多少色洞中流水古
今情幽竒未讓金剛大到此那容一語評

其二

洞天形勢自渾成萬象森羅不可名黃鳥聲中山日
永綠楊陰下岸風輕霎時光景猶開眼終歲畱連詎
盡情一草一花皆合畫杞園文字細論評

又次板上槎川韻

籃輿緣細逕曲曲似羊腸臨水身仍淨登樓眼自忙
衆峯爭隱約一壑倍蒼涼名境心先醉休言禁酒觴

其二

徘徊潭上下直欲洗吾腸偶得名山會仍除世故忙
雲霞三角露松檜一樓涼曲水清如許杯來不用觴
將出洞敬次伯祖睡隱公板上韻

吾家從祖冠名流萃嶽餘支起此樓六十一季如水
駛紗籠猶護舊詩畱

其二

騎馬山中日影流回頭已失卧雲樓飛川似解遊人
意演漾前橋惜去畱

轉入扶旺寺

亂石嵯峨信馬行洞門開處斷橋橫連厓樹色淡如
黑赴壑泉聲暮夏清旗鼓異時城守計溪山暇日客
遊情老僧迎拜巖邊路借榻季前已識名

到晦溪謹次壁上族曾大父芸窩公重聖韻

吾家亭子枕東丘下有飛泉一道流綠樹繁陰宜盛
夏黃花佳會記前秋詩翁韻格聯鑣穩少弟工夫結
榻幽晦谷清潭無不可閒人到處是奇遊

溪上拈何大復韻

古壁藤蘿護澗扉一雙幽鳥見人飛洞中騎幸還嫌
鬧城裏音塵已覺稀翠竹青松相映帶斷雲疎雨自

霏微觀魚妙在無言處坐久前溪澹忘機

見刈麥

刈麥村村急前宵雨促秋野夫收亂脚洞女戴爭頭
農力三分就田功一半休終季閒坐食烏蠹我堪羞

道峯書院

丹青零落古祠宮前後儒賢安侑同堯舜君民陶鑄
志詩書禮樂繼開功清川不盡千季脈蒼檜長吹百
世風斜日平沙回首地道峯山色仰彌崇

夏夜陪家大人聯句

居然初夏盡翼齋遊子未還鄉雨後鶯聲滑天若風

前鶴睡長郊行纔問舍樂仁詩會更聯林話到行藏
際樂信心超得失場茶煙通箔細樂任松籟灑巾涼
初地談禪偈疇漢先天問酒觴與人山偃蹇翼齋憐
我鬢滄浪自有真緣在天若寧容俗事忙餘花猶小
圃樂仁古劍自深箱閉戶琴書淨樂信題詩紙墨香
黃梅知節近樂任碧草愛秊芳九陌喧囂息疇漢清
談夜未央翼齋

與拙翁敬次家大人韻

琴几從吾好那容着點塵言論入者主名利實之賓
自笑烏紗棄殊非短褐貧秋風獨立意益菊共清真

其二

秋聲日蕭瑟寒雨夜垂垂節序空來往人生自盛衰
已能觀世熟猶復入山遲散步黃花折迢迢有所思

又賦

籬花饒我暫徘徊滾滾幽愁苦未裁却笑西風空落
帽無緣今日夏含盃秋容黯淡非時雨天意蒼茫間
夜雷強作重陽諸弟喫茱萸插上白峯隈

其二

飛霜浙歷二毛生搖落林臯晚眺清今我居然愁歲
暮古人何事喜秋聲寒花冉冉風過院荒葉蕭蕭日

隱城推敘天機停不得百憂徒寫放歌行

其三

幽憂兀兀日相催巾屨逍遙有小臺白嶽嵐霏當暮
灑上林松翠釀寒來劇憐秋事蕭條盡差喜黃花爛
熳開瀕洞時憂身欲老年年是月每聞雷

其四

居然秋盡又冬初緣業長年在舊書萬象蕭森霜落
後四山呈露日晴餘孤懷白麓雷聽鶴晚計滄洲去
釣魚世事如今名實異拙詩猶得不虞譽

送關東伯

幽絕蓬萊閣官居不羨仙板輿將老母刺史未衰年
官跡茲行最君恩此地偏婆娑梅樹下相別有清
筵

其二

三入金剛勝明公便是仙芳肴同上夜佳句更忘年
惜別梅花在添愁月色偏明春天一上準擬接清筵
用前韻寄金得初

寥寥社下掩荒廬素履窮途不改初可但文章衰世
有自來風範故家餘尋花玉洞曾聯騎放棹梅亭幾
打魚澹泊襟期須共勉利交從古摠延譽

和金得初

宵眠朝起每如期箇裏幽情也自知骨董充囊抄諸
子迷藏入畫玩羣兒前峯雨過高吟外喬木天長獨
立時北里風流殊不淺數公分日迭投詩

訪鳳麓

率爾騎驢出偶然隔巷遊孤燈無約夜歸鴈有程秋
澹澹寒花色悠悠志士愁霏微金屑墮詩話一床幽

朴士求

天俊

夜過

殘經吾道在龕榻未為窮老大非前日清狂自古風
燈添高坐後詩到兩忘中好是隣舍近優遊歲暮同

謹次宗中韻賀族祖判書公重徵致仕

尺五香煙兩袖間老臣偃僂近天顏懷陳惻怛追
先志恩許從容撤舊班進退清朝歸盛造起
居私第綽餘閒高年惠養知何極月朔庖人致肉
還

其二

盛際陶甄退亦遭陳情文陛異言勞明廷偏側
官猶重暮境優閒跡更高名列耆司傳世業手擎
宸墨荷天褒鳩筇烏几清無事歌詠殊恩向後

曹

秋夜客過拙翁亦在座共賦

詞場接得十年顏，白雪高樓許我攀。
過去蜉蝣何足數，現前風月不能閒。
參旗影拂交鋒際，斗柄光爭對壘間。
兩境不須相拶逼，端宜玉帛請成還。

翌日拈蕭字

深居不出戶，冬日正蕭蕭。
鴈度青天潤，鴉翻赤葉搖。
世事今異昔，文會夜連朝。
却憶東陂宅，山寒望欲遙。

其二

幽人空谷歎香草，且爲蕭道自窮時。
復機應靜處，搖園楓非昨日。
簷鶴又清朝，共欲詩中隱。
茫茫俗物遙。

送族祖季堯

宣輔

氏歸覲襄陽

迢迢嶺以外，到處卽名區。
萬里濤聲走千峯，郡勢紆海山。
如許壯足目，與之俱月下。
笙簫響天仙，倘有無其二

西風吹峽路，丹葉媚霜天。
騎馬秋分後，登樓日出邊。
浮生差可意，滄海一茫然。
再入名山興，奚囊且百篇。

曾入淮陽故云

與士叙共次秋興八首韻

歲暮幽居傍北林，蓮峯入望色森森。
丹書坐右徵坤二碩，果園中驗剝陰。
白雪歌非衰世意，青霞氣是少

年心堪憐絡緯床間語應促遙村懶響砧

其二

依微山日入簾斜今歲蕭蕭已暮華心似芭蕉初卷
葉形如檣櫟半枯槎却愁前月聞雷雨休道清時靜
鼓笳大地羣芳生死譜胎梅花日莫黃花

其三

鳥雀啾啾趁暮暉茶煙竒作數峯微携風唐突青山
入與鴈參差赤葉飛中般一生慵已熟向平五嶽願
差違回頭子夏真吾友戰勝何時得義肥

其四

初收四脚午來棋向夕秋聲使我悲墻角松癯凡幾
歲簷前鶴睡已多時朋從東北些兒露風急西南下
子遲欲賦清秋招隱反古思之後有今思

其五

移來流水與高山參以瑤徽玉軫間月閣當秋偏爽
塏風靡入夜自開關桐應恨兩方樵面楓底愁霜盡
醉顏老竹階前堪立懦清風若是伯夷班

其六

山齋病卧懶梳頭庭樹中間響又秋月落星辰相映
發天寒雲鶴共清愁人方戀夢誰非鹿我欲忘機自

是鷗不待中年懷作惡明朝君馬下南州

其七

青女秋來告厥功一篇觀物閉門中菊花榮悴始終
兩楓葉恩冤操縱風虛看曉昏生暈白醉微朝夕上
潮紅於今頓覺言非吹袖有南華南郭翁

其八

晦谷東透又北迤栗紅之岸稻黃陂地曾秘得傳三
世我欲歸來占一枝琴譜且從桐尾閱棋枰為揀石
盤移屋中回語山衣製刺有墻頭碧荔垂

與拙翁詠梅十首

分五候未開將開初開半
開盡開每一候各二首

城塵無可意清絕愛寒梅紙閣安排在陶盆拂拭來
根盤潛潤土槎黝半成苔宿好元非淺何當為我開

其二

天寒悄獨立標格出凡林肯借東皇力猶含太極心
清風元自別凍雪未能侵日問真消息龕前試一吟

其三

花信先春至幽香似夢浮一陽憑地底數點候條頭
久隱終當顯將舒故少畱佳期知在近新月始窺樓

其四

愛此貞根固經冬卧來親姑遮真面目微露本精神
素質應嫌俗青枝故向人莫云時未及猶占臘前春

右將開

其五

韶輝凌雪意忽已淡粧鮮黯黯纔收魄依依乍破眠
衆芳歸寂寞孤藥著嬋娟近枕天然態前宵降素仙

其六

冷枝猶發萼多意作春顏幽女初窺戶高人始出山
較冰光愈潔回燭影交斑與我淡期在超然絕世寰

右初開

其七

朝朝頻嗅藥春色更如何一現爭遲速三分較少多
暗香終自漏生意劇相摩正得看花優茲辰豈放過

其八

特地天機泄嬌粧半面奇後著猶多日先開果幾枝
韶光嬾爛熳玉色示矜持妙處無人解相須歲暮期

右半開

其九

枝枝皆造化今夕倍輝光雪和全身艷風翻滿室香
極憐春事早還恐歲華忙詩外添幽絕徘徊鶴唳長

其十

披帷心欲醉繁榮一何穠稍作芬華態猶持暗淡容
盛時還至戒缺界最奇逢可畏非風雪濛齋為秘蹤

右盡開

又與拙翁拈息菴韻

梅發頻詩集相攜一榻渡於人多閱眼惟子可論心
門掩初昏月床橫太古琴卧來風更急街鼓過前林

送徐樂甫命天赴任安邊

專城乞養為家貧實荷明時錫類仁息蓋先馳新
太守板輿將御大夫誠孚令伯陳情日喜倍廬江

奉檄辰浩蕩君恩如海濶餘波分與一州民

其二

東路透迤夏北旋官居四抱好山川沙峯日映鳴雙
角鶴浦天晴泛上船朱墨優閒成傲吏丹青隱約卧
神仙宦遊自足風流事一隊紅娥錦瑟邊

大殿延祥詩

新季和氣繞深宮御柳微風雪欲融紫極休祥春
共始青丘熙運日方中天旋北陸羣萌遂殿對南
山寶曆同仰認宸心參化育多時思傳用真

工

其二

九闈桃符煥晨鍾暖律吹壤歌迎樂歲尚祝獻清時
禁陌香煙重 宮簾化日遲奉三 明主德雨露自
無私

其三

穰穰百祿歲之初 雙闕和風一氣噓衣尺 文孫
當卷禮 天顏喜色日俱舒

其四

春信仙桃返宮林早放青 萬機猶不倦 大德望
堯齡

大殿春帖子

一夜璿杓轉九霄韶光先入 紫宸朝陶甄 德合
東皇妙坎北氣旋北陸遙淑氣千門初剪勝和颺上
苑不鳴條洋洋壽域增休祉春意歡情共百僚

其二

玉琯催新候青陽集 九門潛推生物化彌仰 體
天恩苑柳含仁長盤椒獻頌繁元春涓六禮稀慶在
文孫

其三

天街融雪轉光風萬品昭蘇一氣中晝漏 宮筵開

法講吾 王聖學日新功

其四

雲物徵豐稔春臺氣像濃 綸音陽俱發 仁政最
先農

喜晴 應製

雨歇宮林淨榴花照眼明同雲收大野祥旭轉層城
冥佑伊誰力休徵自太平兩暘參造化昕夕耿 宸
情既洽連宵霈旋欣隔日晴餘霏翻白鷺新曬語黃
鸞默默神功斂輝輝霽色呈 一心孚 陟降萬物
喜生成慶溢詞臣頌歡均西域聲從今書大有 聖

德蕩難名

安窩遺稿卷之一

安窩遺稿卷之二目錄

詩

夏日客至 二首

東城僑舍敬次家大人韻 四首

又賦 六首

奉朝賀徐公 宗伋 挽 二首

送李景龍 潭 赴任濟府 二首

以問禮官留灣上 十首

十一疊聚勝堂

十二疊清陰書院

十三疊林忠愍書院

十四疊遼東伯書院

十五疊再從新齋兄

樂命

以江東宰來會安州

偕到蕭川奉贈二首

十七疊過箕城貳衙與金元冲夜話

十八疊登練光亭

十九疊黃岡遇安岳倅李仲浩書贈

二十疊滿月臺

明年癸未我 聖上聖壽恰滿七旬將以月正

元日先詣

靈壽閣次

御勤政殿甚盛舉

也與玉堂諸僚上劄以寓頌祝之忱謹以一
律共識莫大之慶

送尹士章勉憲

之任安州 三首

大殿春帖子 四首

大殿延祥詩 四首

誰識乾坤造化心

省耕臺 應製

大殿端午帖 四首

送人之燕

奉北道監市之

命辭

朝後歷宿晦溪

過永平

發向金花

金城

淮陽

鐵嶺

釋王寺

飄飄然亭奉贈主倅李文宜哲

樂民樓敬次家大人板上韻奉呈巡使李公昌

誼二首

疊韻示通判李侯廷恢

本宮

度咸關嶺

夜到北青次主倅李侯河述擬寄詩二首

又與主倅拈唐人韻二首

白沙書院

居山驛

侍中臺

磨雲嶺

端川

磨天嶺

城津

望洋亭觀日出

吉州

入七寶山

過鬼門關

鏡城百一樓二首

觀妓隊馳馬

輸城道中遇大雪

富寧兄弟巖懷諸弟

茂山嶺

會寧客館

冬至

聽金譯弘詰讀水滸傳

豆滿江

皇帝塚

行營示評事李仲羽 亨達二首

鍾城

潼關嶺

穩城

訓戎鎮憶申將軍戰蹟

慶源掛弓亭

撫夷堡

慶興館夜謹書

翼祖

度祖兩聖故事

西水羅觀海

大殿端午帖

四首

懿戒存珪璋

應製

丹陽郡齋敬次家大人下示韻

用前韻呈老圃趙公

明鼎

次農巖集寒碧樓秋懷韻

六首

舍人巖

舟下龜潭

望玉筭峯

寒碧樓

二首

島潭未及歷見適受由入城擬更還官忽奉春

坊內移之 命聊題一絕

九九見經理碑有感

應製

從叔父判書公壽席敬次家大人韻

奉三聖祠祇審之 命下往文化路過海營外

王考曾按是道追念丁未事詩以志感

三聖祠

失題二首

次太學士李公鼎輔賀人壽席韻

立春夜與諸君拈晉庵韻二首

按完營叔道隨內眷下來喜次其韻七首

雲峯八良時與嶺南按使李稚浩激相會二首

君臣同會一堂中應製

安窩遺稿卷之二

詩

夏日客至

枯棋殘帙自閒閒
客到清朝澹不還
春後微香猶雜卉
雨餘佳氣忽前山
心非高蹈仍忘世
身處浮鷺獨掩關
揚扨詩文如破竹
幽憂多賴九分刪

其二

茅閣淡淡盡日閒
犁然歌嘯許相還
營音宛轉空垂柳
雲氣霏微欲暮山
書劒牽連吾自誤
風波瀕洞爾何關
劇憐筆力傾三峽
一色成章不可刪

東城僑舍敬次家大人韻

杖屨隨嚴父仍成出郭蹤
瞻雲常北闕看月夏西
峯名榭還為主荒田欲學農
百憂消不得茶椀洗煩
胸

其二

平臯披草卧上有樹陰搖
間井東西坵牛羊遠近郊
何由攜盡室直欲混羣樵
一兩前宵足田間喜氣饒

其三

咫尺城東地將軍有好亭
多經長者轍應照貴人星
老木流陰遠平疇灑雨靈
塵蹤猶雅韻每日到山扃

其四

多羨田翁事浮榮未覺尊
寵頭携饁婦牖下抱癡孫
契活如斯足愚蚩詎可論
拄笏無限意煙火夕陽村

又賦

籬落遙連負郭山登高眺望復林間
菖蒲水暖遊魚動楊柳風輕語鳥閒
諸弟清朝聯騎至羣公暇日批
詩還平蕪十里蒼然色秀出孤峯作好顏

其二

空濛雨氣繞冠裳借屋東鄰乍徜徉
隔岸男聲爭打麥隨波女手細分秧
身迷出處歌猶活語到耕漁意

自長賴有故人來伴我一床詩卷對斜陽

其三

纔出都門使客稀野廬開闔自風靡滔滔苦海人皆
是靡靡名園主半非盡日山雲呈窈窕有時天籟送
依稀忽看暝色生前樹一隊棲鴉帶雨歸

其四

上有佳山下淨淵虛樓野色一茫然游儵自樂浮波
面鳴鶴相親到檻前已信葵心傾白日何煩著德卜
蒼天禪房知在川窮處煙際鐘聲隱隱傳

其五

郊遊元不選佳辰朝出興仁已過申同我冠童攀翠
壁從他珂馬走紅塵布幘翳日看分隊土鼓揚風認
禱神鄰衲慇懃投一盒櫻桃的的味初新

其六

啼鳥幽花遠世氛山家無事對閒雲回瞻禁闥懷
明主來覲親庭共細君林下生涯聊苟辦塵中消息
已稀聞朝衣我欲蓑衣換桑園何時去學耘

奉朝賀徐公宗叔挽

宿望三朝自老成韶顏白髮入耆英風流閱歷猶
全節雲路低徊肯銜名佩玉常存枯木冷懸車不待

曉鐘鳴至今藝苑流傳譽定續歐陽掌試明

其二

吾祖遺朋獨有公拜牀何幸自童蒙鉛槧事遠知先
契瓜葛情淡仰厚風一老典刑三世熟百季痛癢兩
家同清時少歇應無憾名德俱全是曰終

送李景龍潭赴任灣府

時平無事鎮邊功猶復龍灣委寄隆十八瀛洲曾學
士三千兵馬夏元戎西門鎖鑰須人重東國山川限
地窮遙想統軍亭上夜落梅歌曲月明中

其二

北地風謠領略回朱幡又指鴨江隈壯年不負懸弧
志雄府應恢製錦才貨貝通遼邊禁肅旌旗蔽島獵
場開出關可奈君親戀時望京華倚將臺

以問禮官留灣上

一騎冰程作遠遊龍灣况是故人州嗚嗚畫角邊聲
壯點點遙峯朔氣浮千里關河經瞥眼三時京洛入
回頭萍逢却有風流事華燭紅糴破客愁

再疊

透儒一劍鴨江遊東北封疆際此州胡勅聲來風日
暗皇華事去水雲浮已令大地無容足誰復今天不

戴頭義順館前將問禮孤城洒涕潸生愁

三疊

相顧逢場摠宦遊繁華從古卽名州閭閻撲岸烟相
合樓閣橫空月欲浮輕重安危城一面偵探交易事
千頭西來十日君親念獨立邊風黯黯愁

四疊

塞天風雪最奇遊兵馬關西第一州十里山城形矗
矗半冰江水勢浮浮明粧妓隊多紅頰豪氣元戎尚
黑頭可耐高樓寒月夜閉門笳曲入邊愁

五疊

王事驅馳辦壯遊氍毹三夜卧江州羌兒吹笛梅花
落將士憑城獵火浮勝地畱連殊快意名途奔走幾
搔頭聯翩使蓋行將發添得他鄉送別愁

六疊

賓主華筵秉燭遊遲遲我馬滯西州一千驛路來何
疾十二闌干坐似浮每夜家書從日下連朝邊報自
江頭吾東地域如斯止無故男兒且有愁

七疊

隨處樓臺盡意遊同時冠蓋集雄州風煙漠漠三邊
迴島嶼茫茫萬古浮松鶻山前同把臂漢陽城裏肯

埋頭慙歎更有齊安客詩筆淋漓日遣愁

八疊

輕裝快馬偶西遊歷盡關防表裏州出塞風聲吹地
裂開簾月色滿天浮異鄉奇會多青眼衰世淡期指
白頭直到三更聞畫鼓江樓高處不勝愁

九疊

悲歌一曲出關遊勅使今朝始到州數紙紅籤東國
耻半空黃幕北塵浮誰知拜跪當吾膝却駭髡兜在
彼頭竣事館庭從此去滿山冰雪夕陽愁

十疊

鎮邊軒上可重遊悵悵今宵發義州鴨水三叉鞭外
遠馬山千疊蓋前浮詩緣未了仍分手別語無窮屢
轉頭最是江城梅落處依依關月一般愁

十一疊聚勝堂

遙想 仙陵月出遊蒼黃駐 蹕昔灣州天兵北出
妖氛廓 日馭東旋瑞氣浮舊址人瞻三字額重門
鬼護一城頭即看南海鯨鯢息猶有臣民不盡愁

十二疊清陰書院

魂氣乘風上下遊蕭條香火亦邊州胡皇宇內明民
盡清老祠前漢日浮永世青編將有說當時白刃可

辭頭春秋一脉駸駸晦弱國山河志士愁

十三疊林忠愍書院

尺劍華夷縱目遊 本朝官秩尹茲州安危玉塞長
城屹辛苦滄溟一葦浮入地幽寃非馬革在人餘惠
是龜頭千秋影子森眉宇剩帶 神京潑蕩愁

十四疊遼東伯書院

如水英靈是處遊崢嶸義烈滿神州雲旗壁上依依
動畫鼓空中隱隱浮元帥降之公奮臂男兒死耳士
爭頭至今東土猶生色燐火沙場莫謾愁

十五疊再從新齋兄樂命以江東宰來會安州

偕到肅川奉贈二首

西塞名亭到處遊新齋顏面又安州他鄉合席年光
盡歸路聯鑣夜色浮自笑青衫塵滿眼為憐朱紱雪
侵頭此行未伴同昌宰相對寒梅少一愁

十六疊

一鞭關外不期遊珍重吾兄出近州乍闔音書心自
照忽逢眉睫喜先浮五更孤燭聞雞唱來日前程倦
馬頭官跡同時千里遠瓊樓迢遞戀 君愁

十七疊過箕城貳衙與金元冲夜話

童時竹馬隔鄰遊今夜相逢淚上州老去光陰如水

疾坐來蹤跡若萍浮風笳一一呈簾外月貌雙雙立
案頭到此豪情殊不淺數旬行役亦閒愁

十八疊登練光亭

洛城歸客練光遊佳麗東韓有是州雞犬萬家雲裏
出江山一局鏡中浮殷師教化畱前蹟鄭氏文章揭
上頭最恨名區同逆旅長林今古閱人愁

十九疊黃岡遇安岳倅李仲浩書贈

行到黃岡又一遊親朋阜蓋自鄰州去來鼓角當風
遞多少塵沙竟日浮他席逢時同拭眼明朝別後幾
擡頭盤輿且向岐陽館雲月茫茫聚散愁

二十疊滿月臺

短日悲風過客遊蕭條往跡霸王州三韓統合青松
老子劫興亾白塔浮無數寒鴉飛木末有時栖鹿下
城頭今人不與前朝事猶自宮墟吊古愁

明年癸未我 聖上聖壽恰滿七旬將以月正

元日先詣 靈壽閣次 御勤政殿甚盛舉也

與玉堂諸僚上劄以寓頌祝之忱謹以一律共

識莫大之慶

氤氳喜氣溢環東 寶曆元朝頌祝同星耀 寧王

曾入社春回 聖祖舊臨宮殿盤衛几工夫上舜日

堯天造化中封事 丹墀叨 寵獎區區芹曝竟何功

送尹士章勉憲之任安州

關樹蒼蒼月欲圓 西飛鳧鳥玉堂仙 望京樓侈專城 養浩蕩 恩波薩水前

其二

春坊妙選荷 殊知講說從容書 漏移一出都門千 里遠 尊賢閣外拜辭遲

其三

高城吹角畫旗明 太守堂鄰節度營 滿眼芬華心似

水西民欣聽讀書聲

大殿春帖子

曙鼓夔夔徹 九門春生 殿角藹微暄 窮陰已退 三陽復 寶曆彌高一德存 西域復瞻稀世慶 重宸幾下恤民言 尊賢閣裏 貽謨地永賴東方 聖有孫

其二

祥隨佳節至 頌競太平傳 梅已微微雪 林先澹澹煙 治成箕範後 慶溢壽星前 側席詢咨意 丘園更訪賢

其三

和風陣陣轉輕寒七耄吾 王引講官稽首闈門爭
獻祝仙桃瑞色上春盤

其四

新春佳氣像先自 九重浚物物皆安所無私 聖
主心

大殿延祥詩

彤雲鳩鵲雪消時瑞色先從 御柳知海屋籌添凝
寶籙春臺畫活賁 昌期勛華氣像治應叶 癸甲
休祥事更奇 舊殿 天臨新命大香煙藹處賀騰

詞

其二

大德膺靈壽純禧集歲初銘符周武杖道在子思書
萬務宵衣際 三筵晝漏餘時清猶 止輦不遣諫
章疎

其三

韶光新入 九重浚五福天中 建極心齊仰 高
齡求道切 手書前夜降山林

其四

青陽回斗柄化日屬春天懇惻憂民意環東定有年

誰識乾坤造化心

真宰玄功何處尋
太平神畫在千林
韶華藹藹東風面
蓓蕾生生太極心
或紫或紅和自在
無聲無臭理誰斟
春回北陸三陽動
花發西園萬象森
暝日和風香不斷
輕葩嫩葉影交侵
閒遊可但尋芳趣
至理渾歸玩物吟
布德玄機元潑潑
向榮春色日駸駸
芳英只自看多少
大化誰能玩淺深
淡雲兩流行滋卉
物象魚飛躍囿春
陰曾中亦有陽和
氣春服前溪坐抱
琴

省耕臺應製

秧雨祁祁淨洗埃
九天清蹕又耕臺
須臾已見農

家慰咫尺仍教野老陪
二字肇嘉知有取
八徵恒若驗無災
東方有聖堯齡
極南畝連年衛駕回
觀稼亭高拚美號
先農壇屹仰親推精禋
太室宸誠格甘雨平郊
輦路催匝野懽聲
千耦合盈畦惠澤一犁纜
岐原陟處躬勞止
鄒訓標來義大哉
遠近田疇方霖霖
高低牟麥正胚胎
茲臺益驗春臺化於萬斯年
聖德崑

大殿端午帖

萬物熙熙日正陽
銅壺仙漏午籌長
江心寶鏡騰新祝
殿角靈符帶異香
炎德方回蘭浴節
甘霖先報

麥歧祥薰風吹滿宮中扇蒲葉榴花亦有光

其二

朱炎猶講學每惜寸陰移衛竹瞻 新德堯堂屬盛
期正膺尼父訓何待近臣規雨露生成澤宮林化日
遲

其三

楊柳和風燕雀高天中佳節幾回遭宮人競祝南山
壽長命香絲繡 哀袍

其四

麥風仁施普梅雨澤流深欲識雍熙像須看造化心

送人之燕

年年東使入燕地帝王州皇極擎天柱長城望海樓
已云中國盛何況暮年遊以此觀吾土無人可解羞
奉北道監市之 命辭 朝後歷宿晦溪
朝辭 紫極暮青門駟騎逶迤過晦村十月風沙將
出塞一宵林壑暫憑軒繡衣難得迓儒力綾被徒蒙
聖主恩竣事明春重到地依依楊柳葉應繁

過永平

西遊去歲到龍灣今日行裝又北關 王事敢言爲
客苦身謀每欲謝官閒平開邑勢千峯內環抱村容

十畝間此地農翁曾卜築至今人說白雲山

發向金化

軍令平明戒馬鞍意忙前道未加餐迎風短角聲猶
遠射日輕旗影欲寒弓裔古墟停策問栢田遺跡倚
刀看書生感慨尋常事 聖代如今四境安

金城

花江盡處是金城峽裏崎嶇不可行遠樹微茫山店
出長川冥闊野橋橫嘶鴻正借南歸勢遊子那堪北
去情豆滿白頭從此見悄然坐數二千程

淮陽

雪壑冰崖路更微寒風蕭瑟捲征衣林間走鹿衝人
過天半驚禽掠馬飛入峽多時惟戒險離家數日已
思歸長程咫尺官門近一抹孤烟帶夕暉

鐵嶺

咽咽寒笳向夕催籃輿扶上最高臺連林惡石傾危
立遍野荒雲潏蕩來兩界山川初控扼一條蹊徑細
分開出關此日桑蓬志直到邊庭始快哉

釋王寺

洞天金碧正輝煌雲影風光盡意長當日 聖人膺
大夢同時異釋告奇祥流傳事蹟瞻碑閣化去精神

想影堂自是塵埃明鑑在楞嚴餘術贊興王

飄飄然亭奉贈主_李文_{宜哲}

太守高亭壓大川平朝眼界正蒼然烏山遠勢猶嫵
小鶴野寒光倍覺圓塞外相逢誰主客雲間獨卧便
神仙此行十載從公後評事前遊歷歷傳

樂民樓敬次家大人板上韻奉呈巡使李公_昌

諫

關山迢遞我行遲及到名樓一叫奇百里蒼茫開大
野萬家羅絡帶深池却來吾父畱詩後好趁明公按
節時回首漢陽何處是朱欄落日更憑危

其二

一出咸關惜太遲邊籌要正不要奇橫臨粉牒千尋
嶂俯瞰虹橋十丈池妙舞清歌多暇日輕裘緩帶送
平時君恩剩許優遊地鎖鑰從來豈忘危

疊韻示通判李侯_{廷恢}

征驂數日故遲遲一席天涯此會奇明月偏隨愁裏
笛滄波直入眼前池紅粧妓隊登樓處碧梳官羞秉
燭時過客豪情能不淺磨天冰雪任高危

本宮

肅肅丹青煥 闕宮 八陵佳氣自蔥瓏 龍興第

宅天應作虎踞山河地亦雄
瓜隄幽岐開業肇粉榆
豐沛錫名同依朕 手種蒼松老萬世盤根 國祚
隆

度咸關嶺

嶺勢峻增寸寸踰馬蹄顛蹶在須臾
雪飄風怒烽臺暗坂轉林回野店孤
千里前程知有限百率邊事信無虞
殊方物色蕭條極多少羈愁說僕夫

夜到北青次主倅李戾

河述

擬寄詩

莽蒼官門接海邊
慙慙多賴使君賢
榆林冠蓋三更後
梅榭詩篇十載前
朱紱埋頭殊落拓
青燈拭眼共

周旋他鄉到處如相待始信人生有宿緣

其二

淡冬監市會寧邊
三百羣胡聽左賢
北馬東牛操縱際
白山青海指揮前
孤煙渺渺長時去
軒蓋搖搖曷月旋
千里行裝從簡約
朱書一束作因緣

又與主倅拈唐人韻

節度營前見彩旄
天寒驛卒凍相號
朔風漸覺鍾城近
京信回愁鐵嶺高
雲際飛騰多後輩
天涯跌宕少吾曹
明朝擬獵中山下
樓外胡鷹刷錦毛

其二

行人歲暮乍停旄近海狂風盡日號京國依依身覺
遠關山轟轟眼憑高戎機方閱龍蛇陣官令申明鴈
鷺曹 王事驅馳空靡盬商胡徵索奈如毛

白沙書院

磊落崇深間氣人荒祠俎豆海山濱 君臣契合中
興日母子倫明北竄辰一曲悲歌雲帶淚七分遺像
月傳神松杉冷雪徘徊地恨未當年炙手親

居山驛

詩情客意兩悠悠歇馬斜陽獨上樓重嶺在前飄雪
急遠天無際片煙浮時平未獻開邊策歲暮空爲出

塞遊壁上幾人紗裏句盡隨飛鴈跡空畱

侍中臺

臺下滄溟臺上碑雪山松栢繞離離擒胡壯蹟前朝
遠拓地雄圖後世知殺氣陰凝餘戰壘風颺恍惚降
靈旗燕然極處銘功在行到先春夏有詩

磨雲嶺

百草蕭條畫角哀磨雲形勢夏崔嵬層巖過處身如
墮絕頂登時眼忽擡歷亂羣山皆北起蒼茫大海自
東來回車叱馭知誰勝今日行休兩未裁

端川

仲冬風雪客中天歷盡山崖與水顛雙堠高低橋外
立數星明滅樹頭懸關心道路偏侵夜回首家鄉似
隔年吏卒相呼爭舉火平原驅馬入端川

磨天嶺

重重疊疊去無窮嶺阨吾東孰埒雄百折羊腸橫着
地千回鳥道上蟠空登臨忽與人烟絕呼吸應於帝
座通夷險前頭惟一視朗吟飛下海天風

城津

黃沙竟夕怪風多辛苦今朝大嶺過關勢崢嶸開虎
豹波光隱約卧龍鼉羌兒消息聞吹笛戍卒生涯見

枕戈此距咸山猶七日五雲 京闕杳如何

望洋亭觀日出

金雞搏翼報開東海氣微明漸欲紅萬國正當瞻仰
際一輪初轉蕩磨中擺來駁霧呈真面護得祥雲御
太空但願六龍姑緩轡莫令人世過怱怱

吉州

雄城五里度長橋官角樓頭朔氣遙逸騎嘶風誇躡
蹠盤雕蹴雪恣飄颻能令壯矚窮山水可說遐征趨
暮朝都護衙門延使客朱纓象弭插橫腰

入七寶山

筍輿穿過萬章松喜對粧嚴七竇容大地鋪來凡幾
疊中天削出寂高峯林間殘雪頻移席巖下冷風更
數鐘東海仙人誰見否白雲淡處老苔封

過鬼門關

長榆葉脫洞門幽四面荒雲莽不收亂石巉峨多怒
色急川澎湃少安流晴時尚使人行怯白日如聞鬼
哭啾我欲一拳搥碎盡快刪陽界古今愁

鏡城百一樓

聞道元戎去防秋閒營落日客來遊東方地闊三千
里北路天高百一樓邑吏服皮成塞俗官軍吹角起

邊愁重恢六鎮知誰力金帥威名漠外留

其二

征途一日抵三秋猶幸轅門得壯遊士馬精強非弱
國金湯緩急有高樓長空月滿鳴弓勢大漠雲橫倚
劔愁爲是 王程嚴趁限梅花東閣不淹留

觀妓隊馳馬

翠袖紅裙簇似圍桃花背上倍光輝戎裝乍整雙肩
聳畫鼓初鳴一點飛陣勢風流能作隊軍聲娘子強
生威自言十五能騎射長白山前逐兔歸

輸城道中遇大雲

崇朝凍雪不成泥，晃朗乾坤一色齊。
大壑埋連迷遠近，長亭沒盡眩東西。
山間魍魎依何處，木杪烏鴉失舊棲。
童僕莫愁前路險，王靈攸暨詎顛隳。

富寧兄弟巖懷諸弟

愁雲日日杳京師，兄弟巖邊客恨知。
石自比肩無暫捨，人何分手有相離。
徘徊不覺移時立，悵難爲隔月思遙。
想故園松竹裏，一般心事陟岡詩。

茂山嶺

盤陀屈曲自千層，征旆悠揚倦騎登。
較去磨天非大嶺，截來平地是高陵。
侵身朔氣常飛雪，入眼江光已

合冰直北關防隨，此盡男兒今日遊。
能

會寧客館

萬里華戎兩界分，危城把守點牙軍。
傳廚過客甞餽帳，拍板嬌姬錦繡裙。
鴈塞相隨惟皓月，龍堆直對盡黃雲。
館門市日行將近，牛馬邊風動幾羣。

冬至

巨耐佳辰滯異方，征衣曉攬起徊徨。
天涯積雪餘三丈，地底潛雷上一陽。
誠禮區區行望闕，憂愁種種入思鄉。
主人解慰京城客，滿碗紅霞豆粥香。

聽金譯弘詰讀水滸傳

清濁高低任舌牙
淡宵憑几對燈花
靖康傑俠歸崔
藪聖歎文章冠
稗家變化不窮驚
鬼魅端倪莫測走
龍蛇宮音羽調如
相叶絕勝邊城聽
暮笳

豆滿江

衣帶長江卽一渠
朝家邊禁更何如
尋常北馬來猶
飲咫尺東人去
莫漁海內此時誰
作主沙頭落日獨
愁余徘徊欲問河
清報匣裏龍光射
斗墟

皇帝塚

孤墳蕭瑟海東偏
松檟無枝鎖冷煙
良嶽豪華從古
盛穹廬幽辱至今
憐縱令骨朽寧藏
貉倘有魂飛政

化鵲士卒不知天子
堊艸間來拾靖康錢

行營示評事李仲羽

亨達

不盡山川極目橫
重城鎖鑰又開營
光陰荏苒經南
至行役支離賦北
征畫戟樓前元帥
在青衫帳下故人
迎今宵轉覺關山
遠鐵馬嘶寒更塞
聲

其二

邊柝聲微夜色侵
紅燈畱坐故情深
彩毫入幕天涯
跡繡服登樓歲暮
心初月如期流素
魄寒梅發笑破
玄陰咸關山水盈
囊錦披示三旬馬
上吟

鍾城

行營以北豆江頭畫角嗚嗚去不休山勢直連寧古
塔朔威高設受降樓半空風雪無時作萬里雲沙盡
日浮正是客懷搖落處邑名何事又愁州

潼關嶺

殊方倏忽歲將闌浙浙狂風裂地寒鎮將平時修戰
鼓遊人薄暮稅征鞍愁來每覺登樓易苦處偏知出
塞難獨有殘書攜作伴更呼孤燭盡情看

穩城

官齋吟病倦登臨青鏡容華見雪侵六郡地形三已
盡十分天氣九常陰京書日寫離親恨邸報時寬戀

主心城樹忽生明月影閉門聲裏擁寒衾

訓戎鎮憶申將軍戰蹟

訓戎城勢極逶迤欲問巡邊勝戰碑塞北飛騰推漢
將漠南空闊遁胡兒餘威尚帶風雲怒往蹟應畱州
木知可惜琴臺遠一着輸贏前後各天時

慶源掛弓亭

絕城南瞻北斗星邊情隨處賴君靈間年夷夏開
雙市特地山河起一亭少憇貂裘凌雪皓橫臨寶劍
睨雲青知應萬里燕山石畱待東儒去勒銘

撫夷堡

冠蓋行行豈敢閒天涯風土易凋顏夢魂每夜懸
金闕蹤跡今冬遍玉關屯卒沙頭驅犢去羌兒天末
射雕還八池咫尺蒼然色落日危臺指點間

慶興館夜謹書 翼祖 度祖兩聖故事

吾東開創始於斯赤島蒼茫又赤池主客爭時龍一
射 夫人涉處馬雙騎斬蛇大澤祥應過避狄岐山
事並奇 王跡由來天佑順百靈長衛萬年基

西水羅觀海

重溟萬里正滔滔城上危臨意氣豪雲霧有時開島
嶼魚龍無力抵波濤人間始識乾坤大空外惟瞻日

月高南北東西俱欲盡漁舟何處更通篙

大殿端午帖

陽律蕤賓五五辰中天南極近 丹宸蘭湯浴潔新
明德綵縷祥凝祝 聖人日麗宮槐風轉細時和壠
麥雨零頻乾乾不息 三筵講一體 神功茂育均

其二

佳氣千門裏朱明蔚有光蒲新霑 御露葛細襯
天香化叶薰飄遍工隨晝漏長何須楊子鑄古鏡有
磨方

其三

彤霞 閭闔化暉舒壽域羣生皞皞如霖雨油雲王者政 細氈長日繹鄒書

其四

紅藥花翻處丹萸葉大時欲知風偃化 頌篔下龍墀

懿戒存珪璋

應製

大齡猶砥礪心鏡爛昭光比璧清應過如金道益彰寸塘消垢滓方冊揭圭璋磨琢知清鑑箴規見抑章昏明存戒切愚哲寄憂長寶彩看塵滌真工驗日將堯賞坐晚晚武鏡照輝煌壯歲須深造 高季益自

方 強白主持夙夜綠竹斐風霜懿戒光千禩重磨是古

丹陽郡齋敬次家大人下示韻

丹丘山水蓋云稀對此神情便欲飛不有仙緣那敢到甘爲吏隱未言歸雲林幾處生靈草玉笛依朕降羽衣西北連年頻陟岵今秋可奈又離違

用前韻呈老圃趙公

明鼎

十日官齋聽訟稀飄飄直欲挾仙飛名竝四郡分符出時趁三秋放棹歸此地堪攀松桂樹他季欲製芟荷衣憂虞到處存深戒臨別公言豈敢違

次農巖集寒碧樓秋懷韻

入境疑飛鳥登樓恍御風已成三宿穩能使萬緣空
涼意先聞蛩秋聲不待鴻祗憐今夜月應照故園同

其二

蕭灑官居淨翮狀鶴在庭爲來雲霧窟宛對畫圖屏
百里小於斗萬山深似瓶靈芝堪采采煙樹正冥冥

其三

下邑身爲吏瓊樓夢戀君迢迢沙際月漠漠洞
中雲山色青如染楓林赤欲醺簿書還是累麋鹿與
爲羣

其四

佳山與佳水遊賞願無違空裏真成隱瓜前肯賦歸
讀書緣在是需世道全非明滅流螢耀那裨日月輝

其五

清分鄰三郡羈愁聽數鴻蕪葭方宿露松檜最多風
積水登臨迥諸峯坐卧同官爐丹欲鍊九轉倘成工

其六

吹簫傍有客畱與數君聽冉冉雲生壑迢迢月隱巒
冽泉全勝蜜嘉穀亦云聲明發觀秋去民憂我敢寧

舍人巖

彫金削玉飾來佳妙妙奇奇面面皆那意化工如許
巧始知人力定難排洞中勝固三仙壓天下名應五
老偕側想棋聲知在近荒藤捫處試筇鞋

舟下龜潭

一色薰葭白露臯江行十里信輕舸新經積潦潭如
洗快得長風帆更高數子聯翩同眼放使君跌宕作
頭邀慙懃欲向玄龜語明日歸時且莫濤

望玉笋峯

迸綠抽青盡是山中條特出更難攀影長落日千尋
許色拂晴川百畝間削出藍田堪砭俗浮來灤水合

廉頑地靈莫笑仙凡異玉署身曾忝荀班

寒碧樓

丹陽太守本狂疎勝地遨遊豈暫徐爲訪清風聞鴈
後更攜明月落帆餘錦屏山色如相待寒碧樓名信
不虛農老高標無處問逢秋感慨意何如

其二

湖上長堤堤上樓樓前蒼翠一夷猶澄江練鋪魚龍
夜涼露珠零菡萏秋遇境詩篇雲共綴當筵歌曲月
俱流汀蘭手折增惆悵目極煙洲望美愁

烏潭未及歷見適受由入城擬更還官忽奉春

坊內移之 命聊題一絕

吾舟未及島潭過 除紙丹爐敗興何天上今行陪
鶴駕人間仙境未為多

九九見經理碑有感 應製

北壇餘涕西郊攬草際殘碑秋影澹地老千季戴
帝恩 天臨九日縈 宸感青丘劫運并蛇奔蒼嶼
威聲虓虎闕南寇掃來九伐師東民濟出千尋坎讒
言竟使我公歸辨奏曾祈 天子領海外石雷御史
名人間文激忠臣膽撐支應有鬼神知屹立寧為風
雨撼舊日皇華愴 聖懷重陽 輦路回清覽龜頭

易剝歲茫茫鷄醉難醒天悄悄日月吾邦獨大明揄
揚 盛烈臣何敢

從叔父判書公壽席敬次家大人韻

壽曜東方最照臨華封祝後為公吟吾門 賜宴恩
惟舊 聖世頒需事復今金玉兩兄交綵戲蟬貂一
室迭觥斟五湖圖畫真先獲小子當筵意更深

奉三聖祠祇審之 命下往文化路過海營外

王考曾按是道追念丁未事詩以志感
外翁藩按日先妣醮行時事舊憑誰問兒今失恃悲
立身榮未逮觸境淚空滋一倍離庭恨尤難此夜為

三聖祠

首出皆神聖檀君亦僅堯鴻濛仍以闢事蹟邀焉遙
蕉荔香長薦龍蛇畫半凋阿山瞻拜禮何幸在今朝

失題

飄飄城雪撲輕裘 王事驅馳過此州清夜華筵環
翠袖故人滄海拭青眸畫中樓閣留三宿燭下笙簫
辦一遊恨我未能佳節趁蘭舟虛負採蓮秋

其二

綺席薰香為解裘寒宵鼓角卧名州波翻池底撲珠
手月閃樓頭舞劍眸先後豆江同北入去留荷閣夏

西游春明一出天涯隔叵耐佗鄉再送秋

次太學士李公

鼎輔

賀人壽席韻

六十衰年奉壽卮公堂餘慶德門推笙歌駐日親歡
供米肉從天 聖眷知誦播南陔誠已愜思懸 北
極孝應移光華添上斑衣彩手奉 中宸鄭重辭

立春夜與諸君拈晉菴韻

西行旬日返忽已歲華闌彩勝傳春候書燈坐夜寒
君詩應未易吾道轉為難妙在忘形處相逢意輒寬

其二

長夜猶嫌短添膏語欲闌今年無幾日大雪尚餘寒

世寧浮沈易 君恩進退難朝衣催攬起星斗曉天寬

按完營叔道隨內眷下來喜次其韻

少弟辛勤到遠州南來五朔始開眸喜逢妻子還疑夢戀結君親幾矯頭牙燾光輝終外物棣華湛樂是奇遊日邊消息今何似平地風波少穩流

再疊秦仁宰金得初與叔道會金山寺和前韻凡幾疊其中一首屬余語提太古舊遊又有鄰笛感懷頸尾及之

問子胡爲困小州精光猶復舊時眸文章末路非凡

骨霜雪他鄉已滿頭太古亭前曾幾醉觀風閣上又今遊雲泥分處胸何滯樑月懸來涕共流

三疊盧如臨來訪

愁懷兀兀卧名州邂逅今宵拭兩眸匹馬爲尋層雪裏雙燈畱話曲欄頭名場閱世賢愚盡心契從君父子遊病後寒梅消息近南天一任歲華流

四疊

低徊半載滯完州京國迢迢隔我眸殘局時憂難着手亂絲營務易搔頭簾欄偶占優閒暇翰墨回成跌宕遊永夜瓊樓無限戀小臣何術答承流

五疊

千里湖南五十州民憂滾滾日盈眸
加耕折受諸官內均役徵求絕海頭
朱墨徒勞無善策綺羅雖西未輕遊
迢迢寒碧臨溪在欲洗煩襟一曲流

六疊送叔道

送君今日宿何州
悵悵西樓騁遠眸
山色高低官路外
夕陽明滅野橋頭
終年剩得看雲恨
清夜那堪對月遊
却羨歸庭餘暇在
床書繙閱幾家流

七疊示如臨

君馬遲遲滯我州
公餘相對夏青眸
踈鐘響落_{燕樓}

上斜月光翻畫閣
頭湖海已窮千里勝
詩篇不負一旬遊
客中賴爾排愁寂
清話津津倒峽流

雲峯八良時與嶺南按使李稚浩_殿相會

千里逢迎八峙顛
嶺湖旌節兩翩狀
驅馳王事觀風路
傾倒朋情盡日筵
借問幾人成此會
始知吾輩有奇緣
相看為說君恩重
報答何由惠澤宣

其二

弱冠交契到霜顛
邂逅他鄉不偶狀
大纛高牙俱壓境
落花芳草又開筵
同城追逐還餘事
鄰道翱翔更別緣
回首長安何處是
羈懷此日賴君宣

君臣同會一堂中 應製

黃花佳節屆流虹 閭闔晨開瑞靄籠 日月尊臨瞻
聖主風雲交蔚接羣工已躋民物康衢上幸值 君
臣壽域中九五箕疇諸福斂八千春樹寶籌隆起居
彌月朝儀肅昵近仁天 黼座崇 便殿席虛光寵
異 御爐香惹步趨同 邦休最重 千秋節輿頌
皆懷萬歲嵩壽曜分明知拱北 恩波汪濊見環東
一堂吁咈昭融地四紀陶甄造化功天保詩中臣拜
手升恆景祿祝無窮

安窩遺稿卷之二

